

Level: D

Plata de laur por l'ejam a usc

Tëmp por s'arjigné ca: 10 menüc

L'ejam a usc é partí sö te döes perts: te na pröma pert ciafëise n test ladin da lí y da capí cun cater domandes da arjigné ca por la secunda pert, la conversaziun a usc. Tla conversaziun a usc respognëise ales domandes y la comisciun pó ciamó Ves fá n valgönes domandes lëdies lapró.

1 ***Badia Events***

2 Cina dan da n valgügn agn gnôl metü a jí tl paisc de Badia le *Badia Rocks*, n festival
3 rock che ê por n valgügn tl paisc n pice „scandal“ por la musiga che gnô sonada y
4 por le quant fosch dl publich. Por d'atri êl indô na bela iniziativa por i jogn. Alalungia
5 n'éra indere nia jüda da jí inant cun le festival che costâ ince valgamia tröc scioldi
6 porvia di grups conesciüs che gnô adalerch. Le festival é gnü organisé dal 2001 al
7 2008, dagnora de messé.
8 De positif él che le comité d'organisaziun da inlaota á dedô metü sö l'assoziaziun
9 *Badia Events* che n'á nia pordü la vöia da mëte a jí conzerc rock dantadöt por grups
10 dl post. Les manifestaziuns organisades ti pita ai grups la poscibilité da se conësce y
11 da se motivé un cun l'ater, ci che á ince porté früc te Badia, olach'al é nasciü deplü
12 grups nüs de jogn che á ligrëza da soné musiga rock.

1. Co gnô pa le festival rock *Badia Rocks* odü da chi de Badia?

2. De ci se crüzia pa l'assoziaziun *Badia Events*?

3. Ci poscibilités ti pita pa les manifestaziuns ai grups?

4. Sce t'es denant sté a n concert, cunta de tües esperiënzes.

5. Domandes lëdies.